

LUTRIJA BOSNE I HERCEGOVINE d.o.o.
NADZORNI ODBOR

Na osnovu člana 30. Zakona o igrama na sreću („Službene novine FBiH“, br. 48/15. i 60/15.) i člana 22. Statuta Lutrije Bosne i Hercegovine d.o.o. Sarajevo („Službene novine FBiH“, br.95/15.), Nadzorni odbor Lutrije Bosne i Hercegovine, na sjednici održanoj dana 19.02.2016. godine, d o n i o j e

P R A V I L A
novčane srećke “Zvezdano Nebo”

1. OPŠTE ODREDBE

Član 1.

Ovim se Pravilima propisuju uslovi za priređivanje novčane srećke “Zvezdano Nebo” (u daljem tekstu: srećka).

Član 2.

Ova Pravila su isključivi zakonski i pravni osnov za zaključivanje ugovora o učestvovanju u igri novčane srećke “Zvezdano Nebo”.

Ugovor iz stava 1. ovog člana zaključuje se između Lutrije Bosne i Hercegovine d.o.o. (u daljem tekstu: Priređivač) i učesnika u igri na osnovu prihvata opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova pravila obavezuju ugovorne strane.

2. NAZIV I VRIJEME TRAJANJA IGRE

Član 3.

Novčana srećka „Zvezdano Nebo“ je klasična igra na sreću sa unaprijed utvrđenom visinom fonda dobitaka.

Učesnik skidanjem emulzije sa predviđenih polja za grebanje saznaje rezultat igre koji je otisnut u prostoru za označavanje dobitka.

Član 4.

Rok prodaje srećke otisnut je na srećki.

Rok prodaje srećke i krajnji rok za naplatu dobitaka mogu se produžiti odlukom direktora priređivača.

Srećke koje nisu prodane do zaključenja prodaje, odnosno dobici na ovim srećkama, ne smatraju se neisplaćenim dobicima.

Odluku o puštanju u prodaju svake od serija donosi direktor priređivača i ista će se objaviti u dnevnim novinama.

3. USLOVI ZA UČEŠĆE U IGRI

Član 5.

Učesnikom u igri smatra se osoba koja je s priređivačem zaključila ugovor iz člana 2. ovih Pravila, uz dokaz da posjeduje srećku (u skladu sa članom 10. ovih Pravila).

4. PODRUČJE PRIREĐIVANJA U IGRE

Član 6.

Srećka se priređuje na području Federacije Bosne i Hercegovini i u distriktu Brčko.

5. POJEDINAČNA CIJENA SREĆKE

Član 7.

Cijena jedne srećke je 1,00 KM.

6. KOLIČINA I NOVČANA VRIJEDNOST EMISIJE SREĆKE

Član 8.

Srećka se emituje u serijama. Jedna serija sadrži 500.000 (petsto hiljada) komada srećaka.

Novčana vrijednost emisije srećaka iznosi 500.000,00 KM (petsto hiljada konvertibilnih maraka).

Odluku o broju serija donosi direktor priređivača.

7. VISINA FONDA I VRSTE DOBITAKA

Član 9.

Naknada za priređivanje srećke - javni prihod Federacije Bosne i Hercegovine iznosi 10% od ukupne emisione vrijednosti srećke ili 50.000,00 KM.

Fond dobitaka iznosi 67 % od osnovice koju čini ukupna vrijednost emisije srećaka, umanjena za naknadu iz stava 1. ovog člana.

Novčana vrijednosti fonda dobitaka iznosi 301.500,00 KM, a što iznosi 60,3 % od ukupne emisione vrijednosti i dijeli se na 164.775 dobitaka.

Fond dobitaka serije se raspoređuje po slijedećem planu:

Komada	Dobitci	Iznos
5 x	5.000 KM	25.000 KM
20 x	1.000 KM	20.000 KM
250 x	100 KM	25.000 KM
500 x	50 KM	25.000 KM
2.500 x	10 KM	25.000 KM
20.000 x	2 KM	40.000 KM
141.500 x	1 KM	141.500 KM
164.775		301.500 KM

8. OPIS SREĆKE

Član 10.

Srećka je pravougaonog oblika, a štampana je u jednoj varijaciji.

Prednja strana srećke sadrži:

- Naziv srećke „Zvezdano Nebo“;
- Logo Lutrije Bosne i Hercegovine;
- Logo „Pola sreće drugima“;
- „Cijena 1 KM“;
- Šest (6) polja prekrivenih sivom scratch-off emulzijom označenom sa natpisom „OGREBI“ (ispod kojih su ispisani novčani iznosi);
- Polje sa uplatnom šifrom u brojčanoj i bar kod formi;
- Polje prekriveno emulzijom sa natpisom „ne skidaj“.

Poleđina srećke sadrži:

- Logo Lutrije Bosne i Hercegovine;
- Logo „Srećke na dohvat ruke“;
- Logo WLA - Certified Responsible Gaming Framework;
- Logo ISO 27001 - TUV NORD;
- NOVČANI DOBITAK: Ukoliko se nakon skidanja emulzije sa svih šest polja za grebanje otkriju tri ista novčana iznosa ostvaruje se novčani dobitak.
- SREĆKA JE NEVAŽEĆA AKO JE OŠTEĆEN DIO EMULZIJE SA NATPISOM „NE SKIDAJ“;
- EMISIJA 500.000 SREĆAKA, EMISIONA VRIJEDNOST 500.000,00 KM;
- FOND DOBITAKA: 301.500 KM;
- PLAN DOBITAKA;
- PRIREĐIVAČ: Lutrija BiH d.o.o, Ul. Mehmeda Spahe 11, 71000 Sarajevo;
- Datum prodaje (otisnut na srećki);
- Podaci o dobitniku, za oporezive dobitke: Ime i prezime, adresa, JMB.

9. UTVRĐIVANJE DOBITAKA

Član 11.

Igrač utvrđuje dobitak skidanjem emulzije sa oznakom „OGREBI“ sa svih šest polja predviđenih za grebanje na prednjoj strani srećke. Ukoliko se nakon skidanja emulzije sa svih šest polja predviđenih za grebanje otkriju tri ista novčana iznosa ostvaruje se novčani dobitak.

Igrač u igri nije dužan uzeti srećku na kojoj su vidljivi znaci oštećenja.

10. NAČIN I ROK ISPLATE NOVČANIH DOBITAKA

Član 12.

Pri isplati dobitaka učesnik je dužan predati Priređivaču dobitnu srećku.

Dobitak se isplaćuje donosiocu srećke.

Dobitna srećka je ona srećka koja sadrži navedene elemente u članu 10. ovih pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

Član 13.

Porez na novčani dobitak za oporezive dobitke plaća učesnik koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

Član 14.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Svi dobitci prodatih srećaka, koji nisu isplaćeni do propisanog roka, smatraju se neisplaćenim dobitcima.

Član 15.

Ispod emulzije na kojoj je napisano "NE SKIDAJ" se nalazi šifra.

11. NAČIN UPOZNAVANJA UČESNIKA U IGRI S OVIM PRAVILIMA

Član 16.

Ova pravila nalaze se na svim prodajnim mjestima priređivača. Osobama zainteresiranim za sudjelovanje u igri priređivač je dužan omogućiti upoznavanje s ovim pravilima, odnosno dati ih na uvid.

12. PRELAZNE I ZAVRŠNE ODREDBE

Član 17.

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

Član 18.

Ova pravila stupaju na snagu danom donošenja, a primjenjivaće se puštanjem u prodaju 1. serije srećke i ista će se objaviti u jednoj od dnevnih novina.

Broj: 01-60-418/16.

Dana: 19.02.2016. godine

P R E D S J E D N I K

Miroslav Ćorić, s.r.